



Մ Ա Յ Ր Ա Թ Ո Ռ Ո Ւ Մ

ՀՈՒՆԻՍԻ 23-ին ՀԻՆԳՇԱՐԹԻ, Մայր Աթոռ վերադարձան Հոգևոր ծեմարանի դասախոսական կազմը և ուսանողությունը՝ վերատեսուչ Տ. Հայկազուն եպիսկոպոս Աբրահամյանի գլխավորությամբ, շրջադայելուց հետո Հայաստանի մի շարք տեսարժան վայրերում և վանքերում: Երջապտույտը տեղի շրջա օր: Զրոսպատույտի մասնակիցները այցելեցին Թալիշի եկեղեցին, Հառիճա վանքը, Լենինականի եկեղեցիները, Սանահին և Հաղբառ վանքերը, Օձունի բազիլիկան, Գոշավանքը, Սևանի վանքը:

ՀՈՒՆԻՍԻ 26-ին, ԿԻՐԱԿԻ, Մայր Տաճարում սուրբ պատարագ մատուցեց Տ. Առնակ քահանա Գասպարյանը, որ Ամերիկայի Միացյալ Նահանգներից՝ Դիտրոյտից, ուխտավորաբար Մայր Աթոռ էր ժամանել՝ ի գլուխ մի խումբ ամերիկահայ տուրիստների: Պատարագից հետո հայրը խոսեց նախ ԱՄՆ-ում Վեհափառ Հայրապետի այցելության առթիվ ստեղծված ժողովրդական խանդավառության մասին, ապա վեր առավ Հայ եկեղեցու դերը ԱՄՆ-ում ապրող հայության մեջ ազգային ոգի, հավատ և հայրենասիրություն արթնացնելու գործում:

Հավարտ սուրբ պատարագի, ամերիկահայ տուրիստները իրենց ուխտը կատարեցին իջման Ս. Սեդանի առաջ և ստացան սուրբ հաղորդություն:

Սուրբ պատարագի ընթացքում կատարվեց Հոգեհանգիստ՝ ուխտավոր ամերիկահայ հավատացյալների ննջեցյալների հոգիների փրկության համար:

Պատարագից հետո հյուրերը, իրենց ղեկավար Տ. Առնակ քահանայի առաջնորդությամբ, բարձրացան Վեհարան, որտեղ գերաշնորհ Տ. Սահակ արքեպիսկոպոսը, գերաշնորհ Տ. Հայկազուն եպիսկոպոսը և Տիրա-մայրը պատշաճ սիրով ու հարգանքով ընդունեցին նրանց: Տեր հայրը հաղորդեց ամերիկահայ թեմի կյանքի մասին թարմ լուրեր, ինչպես նաև աղանատեսի վկայություններ

Վեհափառ Հայրապետի Ամերիկայի Միացյալ Նահանգներում գտած փառավոր ընդունելության և ազգային-եկեղեցական գործերի մասին:

ՀՈՒՆԻՍԻ 29-ին, ՉՈՐԵՔՇԱՐԹԻ, արժանապատիվ Տ. Առնակ քահանա Գասպարյանի առաջնորդությամբ, Մայր Աթոռ ժամանեց ամերիկահայ տուրիստների երկրորդ խումբը և արժանացավ պատշաճ ընդունելության: Հյուրերը եղան եկեղեցական արվեստի թանգարանում, այցելեցին վանական շինություններն ու նորոգումները, եղան Հոգևոր ծեմարանում և գրադարանում: Հարգելի հյուրերը Վեհարանում ընդունվեցին պատշաճօրեն և իրենց հետ վերցրին Մայր Հայրենիքի և Մայր Աթոռի սրբազան ու խնկարույր հողից:

ՀՈՒՆԻՍԻ 2-ին, ՇԱՐԱԹ, ռուս գիտի նշխարաց Սրբոյն Գրիգորի Լուսավորչին մերոյ: Մայր Տաճարում եպիսկոպոսական հանդիսավոր սուրբ պատարագ մատուցեց Հոգևոր ծեմարանի վերատեսուչ գերաշնորհ Տ. Հայկազուն եպիսկոպոս Աբրահամյանը և քարոզեց՝ ծանրանալով Ս. Գրիգոր Լուսավորչի կատարած եկեղեցաշինական, կազմակերպչական և լուսավորական գործունեության վրա:

ՀՈՒՆԻՍԻ 7-ին, ՀԻՆԳՇԱՐԹԻ, ռուս Սրբոց Թարգմանչացն մերոց Սահակայ և Մեսրոպայ: Մայր Աթոռի միաբանությունը և ուսանողությունը, լուսարարապետ գերաշնորհ Տ. Սահակ արքեպիսկոպոս Տեր-Հովհաննիսյանի գլխավորությամբ, ուխտի գնաց Օշական՝ Ս. Մեսրոպի գերեզմանը:

Օշականի Ս. Մեսրոպի անվան եկեղեցում սուրբ պատարագ մատուցեց Արարատյան թեմի առաջնորդական փոխանորդ հոգեշնորհ

Տ. Վահան վարդապետ Տերյանը և բարոզեց Ս. Սահակի և Ս. Մեսրոպի գործունեության մասին՝ գրերի գլուտի և Աստվածաշնչի հայերեն թարգմանության միջոցով:

Հավարտ սուրբ պատարագի կատարվեց հոգեհանգիստ՝ եկեղեցու բակում հանգչող և Ս. Մեսրոպի մեծ աշակերտ Վահան Ամատունի իշխանի գերեզմանի վրա:

Միաբանությունը և ուսանողությունը ժամը 1-ին վերադարձան Մայր Աթոռ:

ՀՈՒՆԻՍԻ 7-ին, ՀինԳԵԱՐԹԻ, ժամը 2.30-ին վանքի սեղանատանը, Հոգևոր Ճեմարանի վերատեսուչ գերաշնորհ Տ. Հայկազուն եպիսկոպոս Աբրահամյանի արտասահման ուղևորվելու կապակցությամբ, կազմակերպվել էր հրաժեշտի ընդունելություն, որին ներկա էին, լուսարարապետ գերաշնորհ Տ. Սահակ՝ արքեպիսկոպոսի գլխավորությամբ, Մայր Աթոռի միաբանությունը, Տիրամայրը, Գերազուն Հոգևոր Խորհրդի անդամները, Վերստուգիչ հանձնաժողովի անդամները և ուսանողությունն ու պաշտոնեությունը:

Ճաշկերույթի ժամանակ Հայկազուն սրբազանին ողջերթ մաղթեցին գերաշնորհ Տ. Սահակ արքեպիսկոպոսը, գերաշնորհ Տ. Եզնիկ և Տ. Վարդան եպիսկոպոսները, Գերազուն Հոգևոր Խորհրդի անդամ պր. Ա. Տիրացյանը, Վերստուգիչ հանձնաժողովի անդամ պր. Եփրեմ Ալեքսանյանը, Արարատյան թեմի առաջնորդական փոխանորդ հոգեշնորհ Տ. Վահան վարդապետ Տերյանը, Տիրամայրը, «Էջմիածին» ամսագրի խմբագիր պր. Ա.

Հատիտյանը, Հոգևոր Ճեմարանի վերակացու արժանապատիվ Տ. Հովհաննես քահանա Մարուքյանը և բարեշնորհ Պետրոս և Հովհաննես սարկավազները, Բ լսարանի ուսանող Հակոբ Կյոքճյանը և ուրիշներ:

Գերաշնորհ Տ. Հայկազուն սրբազանը վերջում բարեմաղթություններին պատասխանեց չերմ և զգացված խոսքերով:

Գերաշնորհ Տ. Հայկազուն սրբազանը, որ արտասահման է մեկնում Հոգևոր Ճեմարանի համար ուսանողներ բերելու նպատակով, խոստացավ շուտով վերադառնալ Մայր Աթոռ՝ ի գլուխ իր պարտականությունների:

Ընդունելությունը վերացավ խմբովին երգված «Էջ Միածինն ի Շորէ» շարականի երգեցողությամբ և Տերունական աղոթքով:

ՀՈՒՆԻՍԻ 10-ին, ԿԻՐԱԿԻ, Մայր Տաճարում սուրբ պատարագ մատուցեց արժանապատիվ Տ. Հովհաննես քահանա Մարուքյանը:

ՀՈՒՆԻՍԻ 10-ին, ԿԻՐԱԿԻ առավոտյան, ինքնաթիռով արտասահման մեկնեց Հոգևոր Ճեմարանի վերատեսուչ գերաշնորհ Տ. Հայկազուն եպիսկոպոս Աբրահամյանը:

Երևանի օդանավակայանում սրբազանին ճանապարհեցին գերաշնորհ Տ. Սահակ արքեպիսկոպոսը, Տիրամայրը, Արարատյան թեմի առաջնորդական փոխանորդ հոգեշնորհ Տ. Վահան վարդապետ Տերյանը, «Էջմիածին» ամսագրի խմբագիրը, սարկավազներ, Մայր Աթոռի պաշտոնյաներ, հավատացյալներ և ուղևոր սրբազանի հարազատները:

ԱՅՑԵԼՈՒԹՅՈՒՆՆԵՐ

ՀՈՒՆԻՍԻ 17-ին, ՈՒՐԱԼԹ, Մայր Աթոռ այցելեց Ցեյլոնի Մոսկվայի դեսպան պրոֆ. Մալա Լասդերնը: Հարգելի հյուրը եղավ Մայր Տաճարում և եկեղեցական արվեստի թանգարանում: Պրոֆեսորը ուշադրությամբ դիտեց հայկական եկեղեցական զարդարվածություն, ձեռագործի, մանրանկարչության արժեքավոր նմուշները և հատուկ կերպով կանգ առավ 1793 թվականին Հնդկաստանից բերված մեծ վարագույրի առաջ:

ՀՈՒՆԻՍԻ 18-ին, ԵԱՐԱԼԹ, Մայր Աթոռ այցելեց անգլիացի ուսանողների մի սովոր խումբ, որը վերջերս այցելության էր եկել ՍՍՌՄ: Հյուրերը եղան Մայր Տաճարում, եկեղեցական արվեստի թանգարանում,

վանական և պատմական այլ տեսարժան վայրերում: Նրանք մի պահ կանգ առան նաև անգլիացի գեղապետ Մաք Դոնալդի գերեզմանի առաջ: Մայր Տաճարի հարավ-արևմուտյան պատի տակ:

ՀՈՒՆԻՍԻ 22-ին, ՉՈՐՆՔԵԱՐԹԻ, «Լոնդոն թայմս» թերթի թղթակից Մաք Դոնալդը այցելեց Մայր Աթոռ և եղավ Մայր տաճարում և եկեղեցական արվեստի թանգարանում: Հարգելի թղթակիցը ժառանգեց է Մայր Տաճարի հարավ-արևմտյան պատի տակ թաղված, Թավրիզի անգլիական հյուպատոս գեղապետ Մաք Դոնալդի, որը եղել է մեծ հայասեր և լավագույն բարեկամ Գրիբոյեդովի: Հյուպատոսը, Թավրիզի ժամտախտին

դոհ գնալիս, փափագել էր թաղվել Ս. Էջմիածնում: Թղթակից պր. Մաք Դոնալդը երկար կանգ առավ իր աղագակցի շիրիմի առաջ:

ՀՈՒՆԻՍԻ 23-ին, ՀԻՆԳՇԱԲԹԻ, Մայր Աթոռ ժամանեցին Մոսկվայում սովորող մի խումբ անգլիացի ուսանողներ, որոնք եղան Մայր Տաճարում, եկեղեցական արվեստի թանգարանում և շրջակա պատմական մյուս սրբավայրերում: Ուսանողները մեկնեցին լավագույն տպավորություններով:

ՀՈՒՆԻՍԻ 24-ին, ՈՒՐԲԱԹ, Մայր Աթոռ այցելեց ամերիկահայ երիտասարդ գիտնական քիմիագետ դոկտոր Զորջ Օդյանը: Հարգելի դոկտորը դասախոս է նյու-Ջրսիի համալսարանում և ղեկավարը «Ռեգիոնալ լեզուների ինկորպորեյշն» հետազոտական խմբի: Հյուրը մեծ ուշադրությամբ հետևեց ցուցադրված հայ արվեստի նմուշներին, դիտեց Մայր Տաճարում կատարված նորոգությունները: Ավագ Սեղանի «Հայաստանի Տիրամայրը» մեծ տպավորություն գործեց նրա վրա:

ՀՈՒՆԻՍԻ 25-ին, ՇԱԲԱԹ, Մայր Աթոռ ժամանեցին ֆիննական 11 տնտեսագետներ: Նրանց ընկերակցում էին Հայաստանի առևտրական ցանցի մի խումբ պատասխանատու աշխատողներ: Հարգելի այցելուները եղան Մայր Տաճարում, եկեղեցական արվես-

տի թանգարանում և մեկնեցին գոհունակությամբ:

ՀՈՒՆԻՍԻ 6-ին, ՉՈՐԵՔՇԱԲԹԻ, Մայր Աթոռ այցելեցին Միացյալ Արաբական Ռեսպուբլիկայի Սիրիական շրջանի Հալեպ քաղաքից մի խումբ հայ ֆուտբոլիստներ: Նրանք եղան Մայր Տաճարում, եկեղեցական արվեստի թանգարանում և Վեհարանում: Ֆուտբոլիստները Մայր Աթոռին նվեր էին բերել հայկահայ ոսկերիչների ճարտար աշխատանքի արդյունք մի փոքրիկ արծաթյա կանթեղ: Մատուցելով այդ գոշորիկ նվերը, նրանք իրենց բարեպաշտական ուխտը կատարեցին Իջման Ս. Սեղանի առաջ:

ՀՈՒՆԻՍԻ 10-ին, ԿԻՐԱԿԻ, Մայր Տաճար այցելեց Մոսկվայում լիբանանյան դեսպան պր. Էդուար Կորան, իր կնոջ և որդու հետ: Հարգարժան հյուրերը եղան Մայր Տաճարում, եկեղեցական արվեստի թանգարանում: Պր. դեսպանը փափագ հայտնեց Մայր Տաճարում ներկա լինելու սուրբ պատարագին:

Հավարտ սուրբ պատարագի, պր. դեսպանը իր խորին շնորհակալությունն ու ջերմ գոհունակությունը հայտնեց Մայր Տաճարում հայկական սուրբ պատարագի Կոմիտասյան երգեցողությունից իր ստացած հոգեկան ապրումների և վայելքի համար:

Վերջում հարգելի հյուրը հրաժեշտ առավ Միաբանությունից՝ սրտաբուխ մաղթանքներ անելով Հայ Եկեղեցու բարօրության և միասնության համար:

